

Reaccion di DIARIO riba declaracion di Adi Thijsen

ORANJESTAD (AAN) — Cu asombro redaccion di DIARIO a tuma nota ayera di e declaracionnan descabeya di Adi Thijsen, lider di fraccion di MEP, relaciona cu e venta cuestionable di su tereno erfpacht pa 75 mil Dollar.

Na un forma hastro y manera un mucha chiquito rabia cu nan a caba di kita su lolipop di dje, Adi Thijsen a bay papia manera hende cu a perde cabes y tilda otro hendenan na Aruba cu nan tambe a bende tereno erfpacht y te hasta el a crea e impresion door di su forma di papia, di a medio menaza, cu tin informacion di hopi otro hende cu tambe a bende tereno erfpacht den pasado.

Cu otro palabra, Adi Thijsen ta haci como si fuera cu pasobra otro hendenan a haci cierto asuntonan den pasado anto e tambe por haci tal?

Adi Thijsen a bisa ayera cu e no a viola ley pasobra el a haci tur cos via notario, pero shon Adi, ningun hende a bisa cu bo a viola ley; e discusion ta riba e hecho cu bo mesun gobierno di MEP ta pretende di hiba un maneho unda cu ningun hende ta worde permiti pa bende tereno erfpacht, ni si manera bo ta pretende cu e asunto aki ta uno priva.

Papiando cu un voz altera, Adi Thijsen kier a pone enfasis durante su declaracion descabeya, cu nos colega Speed Andrade conoce Adi Thijsen pa hopi

aña caba!

Kico esey tin di haci cu Adi Thijsen su venta cuestionable di tereno erfpacht pa 75 mil Dollar?

Pasobra Speed conoce bo pa hopi aña caba, esey automaticamente ta encera cu bo ta un hende cu hamas y nunca lo por a comete cualkier error of viola cualkier regla of ley?

Nunca redaccion tabata sa, cu si bo ta conoci di Speed Andrade, esey ta haci bo bira un persona intachable y cu hamas y nunca bo lo por kibra un copi!

Adi Thijsen a bisa cu e no a haya 75 mil Dollar pa venta di e tereno y cu ta solamente 12 mil y pico Florin el a haya y esnan cu ta bisa cu el a haya 75 mil Dollar mester wak pa nan para duro y bin cu pruebanan!!

Wel shon Adi Thijsen, ta cerca notario cu a traha e acta di venta bo mester bay reclama pasobra ta den e documentonan di notario e

suma di 75 mil Dollar ta menciona preto riba blanco pa cual e tereno erfpacht cu ta riba bo nomber a worde bendi.

Adi a bisa cu e tambe tabata tin su gastonan y ta solamente 12 mil y pico Florin el a haya; wel Adi Thijsen si bo a paga tur bo gastonan y despues bo a haya e resto anto ta con bo ta yama e placa cu a worde uza pa paga

gastonan manera bo mes a menciona?

Un otro hende cu tambe tin su gastonan pa cu divorcio tambe tin cu paga y si e no tin placa, e lo tin cu bay fia pa paga, pero abo awor ta bay hustifica cu bo tabata tin bo gastonan y cu bo no a haya 75 mil Dollar, siendo cu na ningun caminda DIARIO a skirbi cu bo a haya 75 mil

Dollar.

Bo proceso di divorcio ta un asunto personal y familiar di bo y na ningun momento DIARIO a mete den esey y nos no ta interesa den esey tampoco y si bo ta kere di por bay uza esey como excusa of hustificacion, esey nos ta laga na pueblo pa acepta si of no pasobra esey no ta cay bao competencia di DIARIO.

Takelwagen a purba di horta porta di cura di cas

ORANJESTAD (AAN): Pa 9'or di mainta habitante di Hubadastraat a reporta un caso no comun na poljs.

Ta asina segun e version policial ta menciona cu habitante di inicialnan J.H. naci na St. Maarten a suministra e lo siguiente.

Tabata den careda di 1'or di marduga, denunciante a scucha desorden pafor.

E sonido fuerte a pone e habitante lanta y bay averigua kico lo port a tumando lugar cu tin tanto desorden. Ora el a check esaki pa su sorpresa el a wak un Takelwagen tipo flatback

color blauw ta purba di ranca saca porta di cura pa bay cune. Pero problememente esnan cu e momento ey tabata den accion a sinti nan mes descubri y a baha na awa. E caso a worde poni den man di autoridad y investigacion lo ta andando

HULANDA BIN PA CABA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Bycycle full dorna
Antes Afl. 110,=
Awor Super Special
Afl. 55,=